

اسم الله المؤمن | الجزء السادس | الحلقة) 60 (| #إنه_الله

د . حازم شومان

حازم شومان

انه رب العباد وخير زاد. بسمه الكافي تمسك. انا رأيت انا رحيت الرزق لو تحس بالاختناق كل هم لافتراق كله محزون كسير يحمل اما الكبير ليس غير الله يرجى. انه نعم النصر - 00:00:00

السلام عليكم ورحمة الله وبركاته. اخواني واحبابي في الله وصلنا للمعنى الاخير. المعنى العاشر من معاني اسم الله المؤمن وهو الامين. يا جماعة مش احنا قلنا في الاول ان من معاني اسم الله المؤمن معطي الامان وبعد كده قلنا من - 00:01:00 معطي الایمان الوقت بنقول معطي الامانة بقى الامين. الحافظ الثقة الموثوق. يعني ايه امين؟ ولله المسل الاعلى ايه الموزف الامين يا جماعة؟ الموزف الامين اللي ما بيحتاجش اجهزة رقابية عشان يقوم بشغله وعشان يشوف مصلحة العمل. كل اللي بيعمله بيبقى في مصلحة - 00:01:30

العمل مش في مصلحته الشخصية مش في مصلحة نفسه. طب يعني ايه موزف مش امين؟ يعني تلات حاجات. رقم واحد ان لازم اجهزة رقابية تفضل واقفة قالوا عشان يفضل شغال لازم كاميرات مراقبة متربكة في كل مكان في بيئه العمل عشان يفضل شغال. رقم اتنين موظف مش امين يعني - 00:01:50

اول ما الرقابة بتتشال من عليه بيسيب التغر بتاعه ويبدأ يلعب بقى. رقم ثلاثة. موزف مش امين. يعني مش كل افعاله لمصلحة العمل. احيانا بيشتغل لمصلحة نفسه هو لما تيجي بقى تشو夫 المعاني اللي العلماء ذكروها هنا. وهو معنى الله المؤمن يعني الله الامين - 00:02:10

العلماء على فكرة يا جماعة قالوا ان المعنى ده اصلا موجود في اسم الله المهيمن. قالوا المهيمن يعني الامين الحافظ. ولكن فعليا المعنى ده في اسم الله المؤمن اقوى بكثير جدا - 00:02:30

ان ربنا سبحانه وتعالى بيعمل لك كتير او اي انت مش متخيل الخير اللي ربنا بيرتبه لك الوقت اهو. الوقت وانت بتسمع الكلام ده اهو. الوقتي في اللحظة ده هي وانت مش عارف حاجة - 00:02:40

عن الترتيب العظيم اللي ربنا بيرتبه لك. ان ربنا سبحانه وتعالى بيرتب لك صالح انت لا تتخيلها ان كل حاجة ربنا شراها لك انت في مصلحتك انت. كل حاجة عشان مصلحتك. يعني ايه - 00:02:54

مرين يا جماعة؟ ربنا سبحانه وتعالى لو شال البشر من الوجود وشال الجنة بكل درجاتها من الملك بتاعه من الوجود لن يتقص من ملك الله شيء يعني لا احنا ولا الجنة اللي ربنا عملها للبشر. زودت ملك ربنا حاجة يا جماعة. يعني انت بتزود ربنا حاجة بتاعتك ولا بتتنقص ربنا حاجة بمعصيتك - 00:03:10

منك كل اللي بيعمله لمصلحتك انت. انت فاهمة المعنى العظيم ده. يعني كل تشريع ربنا شرعه في مصلحتك انت. شوفوا يا جماعة الكلمة الاعجذبة الكلمة دي انا عايزكم تطلعوا بها النهاردة والله تبقوا طلعتم بزرق واسع - 00:03:30

شوفوا قول الله في القرآن احنا ناس كتير مش آآمش عارفة المعنى الجبار اللي هنتكلم فيه الوقت ده. لا يكلف الله نفسا الا ها؟ وسعها انت عارفة يعني ايه لا يكلف الله نفسا الا وسعها. الوسع ده المفسرين قالوا يعني ما فيه رفاهيتها. ما فيه سعتها - 00:03:45 ما فيه فرحة. يعني ربنا ما بيكلفش بالي تكليف في الشرع. ربنا ما بيكلفكيش بالي تكليف في الشرع. الا فيه وسعة ومصلحتك

وسعادتك ورفاهيتك انتم انتم عارفين الكلمة دي معناها ايه يا جماعة؟ معناها الكلمة دي تحببك او في شرع الله. الكلمة دي تحببك او في الشريعة الاسلامية - 00:04:09

الكلمة دي تحببك او في الحجاب لان الحجاب ده هو سبب السعة. يعني البنات لما خلعت الحجاب كسبت ايه ؟ حياتها كلها بقت ضنك في ضنك يعني مصائب الكوارس كوارس في شقاء المرأة في هذا العصر ربنا يسعد قلوب المسلمين. والمسلمات يا رب الكلمة اللي هيكلف الله نفسها الا وسعها. يعني - 00:04:35

اي تكليف مقصدى الشرع فيه هو تحقيق السعة والرفاهية والوسع والسعادة والرخاء في الدنيا قبل الآخرة الكلمة دي تحببك في قيام الليل. الكلمة دي تحببك في صلاة الفجر. يعني احنا اتخنقنا بسبب الامراض النفسية. يبقى التكاليف الشرعية بتضيع الامراض النفسية. اتخنقنا - 00:04:55

سبب الفقر يبقى التكاليف الشرعية بتضيع الفقر. اتخنقنا بسبب البغضاء والحسد واللي يبقى التكاليف الشرعية بتطهر النفوس. التكاليف الشرعية بتتوسيع الرزق. التكاليف بتفتح ابواب خزائن الله وبتفتح الابواب المغلقة. يعني ابتزامك بشرع ربنا هيخليلك باشا - 00:05:17

الصحابة لما فهموا المعنى ده كانوا بيمضوا شيك على بياض وهم بيتعاملوا مع رسول الله صلى الله عليه وسلم حبيب الله محمد عليه الصلاة والسلام. لما قبل غزوة احد رفع سيفه كده وقال للصحابة من يأخذ هذا السيف ايه رأيكم مين يأخذ السيف بتاعه ويقاتل - 00:05:37

القائد لازم يشجع جنوده ولازم يرفع الروح المعنوية. صحابك كلهم رفعوا ايدهم. ايه ده! كلهم عايزين يقاتلوا بسيف رسول الله صلى الله عليه وسلم غزوة احد في الرسول عليه الصلاة والسلام قال بحق من يأخذ هذا السيف بحق. استنوا يا جماعة ده مش بيلاش كده. ده له حق - 00:05:57

اه مين اللي عايز ياخده بس يدفع حقه؟ كلهم نزلوا ايديهم. ما عدا ابو دجانة. ابو دجانة فضل رافع ايده. طب استنى بس يا ابو دجانة هو انت انت عارف الاول اي حقه؟ انا ماضي على بياض ايا ما كان حقه لو حقه عمري. انا المهم ان انا اقاتل بسيف رسول الله صلى الله عليه وسلم. انا هدفع - 00:06:17

التمن مهما كان بس المهم ان انا انا انا شرف ان انا اقاتل في سبيل الله بسيف رسول الله صلى الله عليه وسلم او عي تفتكري ان ربنا فرض عليك الحجاب عشان اي شيء الا مصلحتك وسعادتك ورفاهيتك وانك تبقي ملكة. شفتم البنت الاسيرة اليهودية لما خرجت - 00:06:37

وعملوا معها لقاء في التليفزيون آآ وهي مبهورة بجنود آآ الفلسطينيين والمقاومة الاسلامية هناك بقى بتقول بتعاملوا المرأة لأنها ملكة. هي طبعا هي مسحوقه في المجتمع بتاعها. هي زizza الرجال لو ما نزلتش تحارب جنب الرجال بتتسحق. لو - 00:07:00 واتجوزت بتدفع نص نص الوجبة اللي بتتغدى فيها في مطعم هي وزوجها بتقول بيعاملوا المرأة لأنها ملكة. تحس يا جماعة ان ربنا سبحانه وتعالى كل حاجة عملها عشان وسعك عشان نعيش في سعة اكتر حد خسر من نزع الحجاب هو المرأة - 00:07:20

اكثر واحدة خسرت حقوقها في الحياة بسبب نزع الحجاب هو المرأة. لو انت لا تريد مصلحتك انت حر. زي اب بيقول لابنه. يا ابني زاكر. يا ابني انت مش متخيلا النقلة اللي هتحصل في عمرك. لو انت زاكرت السنة دي. لو انت زاكرت يا بنتي في سانوية عامة وجبت مجموع كوييس. انت يا بنتي مش متخيلا النقلة اللي هتحصل في - 00:07:40

حياتك لو انت صبرت السنة بتاعة مناقشة الدكتوراه. طيب انت مش عايز تزاكر؟ انت حر. فلازم تفهم ان كل اوامر ربنا في مصلحتك انت وان ربنا بيرتب لمصلحتك انت وانت مش واحد بالك - 00:08:04

حتى وانت لا تراقب الله. ما حدش فيينا بيراقب ربنا. آآ يا رب انت بتدير لمصلحتي ولا ولا يا رب القدر دي بقى والزروف والابتلاء هات اللي انت حتى الابتلاءات. او عي تفتكر ان ربنا ابتلاك ابتلاء الا وهو في مصلحتك. او عي تفتكر ان ربنا الكلمة يا جماعة اللي بتزدد قلبي. كل مرة باقرأ فيها سورة - 00:08:18

الكهف والله يا جماعة بقف قصادها بعد الخضر ما قتل طفل وامه وابوه قلبهم ادبح حزن على ابنهم وبعد ما خرج سفينة مشروع مساكين بياكلوا منه. بعد كل ده في الآخر بيقول لموسى رحمة من ربك. اوعى يا موسى تفتكر ان الابن ده مات اللي راح - 00:08:38

بامه وابوه ورحمة به هو نفسه دا لو كان كبر الله اعلم دا كان دايق اوعى تفتكر يا موسى ان خرق السفينة دا كان حاجة الا رحمة من ربنا. اوعى تفتكر يا موسى - 00:08:58

ان في اي ابتلاء في الحياة الا رحمة من ربنا. اقدار ربنا في مصلحتك. شرع ربنا في مصلحتك. ترتيب ربنا في مصلحتك. تدبیر الغیب في مصلحتك عشان كده لما واحد يقول لك هو ربنا بيقهرنا ليه ؟ ربنا كتب اقدارنا قبل ما يخلقنا بخمسين الف سنة. هو ده مش قهر كده! هو - 00:09:08

كده احنا مش جبرية يا ابني بس اصبر بس اصبر الله يهديك ويهدينا ويصرف عنا وسواس الشيطان. هو انت الوقتي لو جيت لي في عزومة فانا فتحت لك الباب انا وزوجتي قلنا لك انت وزوجتك. ده احنا بقى لنا اسبوع ما بنامش. قاعدين نرتب لكم الاكل. ونطبخ لكم اللحوم - 00:09:28

متبل البانيه ونعمل المحشي. هتقول ايه ده! انتم انتم بتقهروني على اكل معين ليه ؟ انت معنى ان انتم قاعدين تربوا بقى لكم فترة ان ده قهر انت يا ابني انت بس يعني ربنا يهدي سرك. انت عارف ده معناه ايه ؟ ده معناه ان انا قاعد ارتبا. لسعادتك ولفرحتك بقى لما ربنا رتب الاقدار. قبل - 00:09:48

الناس بخمسين سنة ربنا رتب سماعك الوقتي للكلام عنه من خمسين الف سنة. ربنا رتب كل ضحكة في حياتك من خمسين الف سنة. ربنا رتب كل بق مية شربته وكل حاجة جميلة حصلت في حياتك من خمسين الف سنة. ربنا رتب اللحظة اللي هتفتحي فيها المصحف وهاقلبك هيئور بنور الله من - 00:10:08

خمسين الف سنة يعني ربنا سبحانه وتعالى بيرتب كل حاجة لمصلحتك. في مستقبلك وانت مش متخيل اصلا كمية الترتيب اللي ربنا بيرتبه من اجلك معاني جميلة اوكي يا جماعة. آآ المعاني العشرة اللي احنا اتكلمناها دي معنى ان ربنا آآ واهب الاستقرار آآ والامان للبشر. ان ربنا واهب الامان - 00:10:28

والطمأنينة في قلوب الصالحين لحد ما يقابلوا ربنا ويموتوا وهم نفوس مطمئنة. آآ يا ايتها النفس المطمئنة ارجعى الى ربك ما راضية ان ربنا واهب الامان ان ربنا واهب الامانة. ان ربنا واهب الامن والامان. ان ربنا سبحانه وتعالى لا يخاف - 00:10:52

فاوليائه من اعدائي ومن اهل الباطل. ربنا بيحمي اهل الحق من اهل الباطل. وان ربنا بيدعم الدعاء للايمان. المعاني الجميلة دي.

معاني والله المؤمن بقى عملت ايه في حياة الصالحين؟ غيرت ايه ده اسمه يا جماعة الاعجاز التغييري - 00:11:12

اسمه الاسم ده غير ايه في التاريخ؟ آآ ايه كثير من كل بطولات الانبياء كل بطولات الانبياء في القرآن بسبب اسماء الله الحسني. كل الافعال العظيمة كل الحياة السعيدة كل ضحکهم كل فرحةهم. كان بسبب اسماء الله الحسني. عايزين نعرف اسم الله المؤمن. آآ يعني غير حاجات كتير اوكي في - 00:11:27

المصلحين غير حاجات كتير اوكي في حياة الانبياء لأن اسماء الله الحسني هي السبب في كل تضحيات الانبياء. اسماء الله الحسني هي السبب في كل بطولات الصالحين. اسماء الله الحسني هي السبب - 00:11:47

في كل الطاقة الجباره الاي تي بي الرياني المذهل اللي تفجر في قلوب ونفوس واجساد اجساد الصالحين. وخلی حياتهم حياة استثنائية غير كل البشر مليانة بالطاقة والإنجازات والفرح. اسم الله المؤمن عمل ايه في الصالحين؟ اسم الله - 00:12:01

مؤمن خلى الناس كلها مشغولة من الصالحين يا جماعة. انهم في وقت الهلع مش خايفين. الناس دي جابت اللي هو النفسيه دي منين؟ يعني ايه دبابة اسمها دبابة القرن الواحد والعشرين اغلى دبابة في العالم وعندتها استشعارات الكترونية وممكن تضرب لوحدها حتى لو الجنود اللي جواها نايمين. ويجي واحد ببنطلون - 00:12:21

وش بشب ويقوم متعامل من المسافة صفر العالم كله فاتح بوقي يا حبيبي ده اسم الله المؤمن. يا حبيبي ده مش شجاعة اهل غزة ولا قوتهم ولا التربية اللي اتربوها وان كان كل دي اسباب عزيمة. ده المؤمن تجلی على هؤلاء الناس يا جماعة. ده المؤمن - 00:12:41

قلوبهم بالامانة عشان نعرف المؤمن عشان نعرف ليه الصحابة زمان كانوا بيدخلوا يحاربوا الفرس والروم؟ وهم مش امامهم. ما كل ده اعجاز تغيير لاسم الله المؤمن. كل ده لانهم واسقين ان ربنا هيأمنهم من المخاوف. ان قلوبهم اتملت امان من الله سبحانه وتعالى. ففي وقت خوف الناس على رزقها - 00:13:01

مطمئنين هم دول المؤمنين. يعني انتم عارفين دلو قتي يا جماعة سعر برميل البترول قد ايه؟ سعر آآ جرام الذهب قد ايه؟ سعر متر الارض سعر كل حاجة زاد ده تبع اسم الله المسعر بقى. لما نتكلم عن هزا الاسم العظيم وزاهرة الاسعار وتحكم الله في الاسعار على حسب طاعة الناس ومعصيتها. ده - 00:13:21

آآ يعني ده معنى جبار تاني ولكن هزا الرجل الصالح بيقول لو ان حبة الحنطة صارت بدينار ما خفت على رزقي لأن الذي يرزقني من قبل ومن بعد هو الله سبحانه وتعالى. هو الاسعار غلط علي بس ما غلطش على ربنا. هو انا ما عادش اللي في جيبي يكفي ان انا اشتري اللي انا عايزة. بس اللي في خزائن - 00:13:41

ربنا لا ينفد يعني الرجال الصالح ده مطمئن وعايش في امان لأن الله هو المؤمن. من الاعجاز التغييري والآثار المذهلة لاسم الله المؤمن في حياة الصالحين المشهد المذهل. اللي ربنا بيوصفه بعد غزوة احد. جيش مهزوم يا جماعة وخسر القادة بتوعه سبعين قائد من - 00:14:00

حطوا وبصل بجثة عدد كبير منهم. وربنا بيوصف الصحابة وهم على جبل احد ويبيقول امانة يا الهي! الاية دي نص الكورة الارضية الوقتي مستعد يدفع نص عمره تمن الكلمة دهي - 00:14:20

امنة نعasse يعني ما اضطروش ياخدوا منومات عشان يناموا ما اضطروش ياخدوا مهدئات عشان يناموا. ما قعدوش تلات ساعات يتقلبوا في السرير. ومش عارفين يناموا واحد صاحبي كان بيقول لي باقول له انا خايف عليك تنتكس. قال لي مستحيل انتكس بعد ما التزمت قلت - 00:14:40

قلت له ليه ؟ قال لي لأن انا كنت قبل ما اتدin كت باقعد تلات ساعات اتقلب على السرير. من الاكتئاب عايزة اروح لدكتور نفسي بس مكشوف مكسوف من اصحابي - 00:14:55

مشهد رهيب ان انسان وصل من الاطمئنان بالله. لدرجة ان في وسط المعركة وهم مهزومين كمان. قادر انه يحط راسه ياه معزم الناس دلو قتي ما بيعرفش ينام من غير منومات ومن غير مهدئات ومن غير ادوية نفسية. ان واحد يحط راسه كده ينام - 00:15:06
في معركة يعني في ناس كثير المنزد ده مستعدية والله يا جماعة انها تدفع فيه نص عمرها. فيه ناس دخلت في الاسلام عشان المنزد ده احبط راسي انا انت بتعملوها ازي؟ ازي نفسيتكم يبقى فيها الهدوء والسكينة والاطمئنان الداخلي. والسلام النفسي ده كله افتك لما كنت مع اخواننا في التبليغ والدعوة في المؤتمر العالمي - 00:15:29

بنجلاديش وخرجنا في قرية من قرى بنجلاديش. يا جماعة قرى بنجلاديش يعني بنجلاديش افقر دولة في العالم يعني. يعني انت متخيلا ما فييش اصلا لمبة لمبة نور احنا كنا ننام في مسجد المكان اصلا مش موحش. احنا في وسط ادغال. والظلم دامس. ولو انت بقى صحيت الساعة واحدة بالليل عايزة تدخل - 00:15:49

الحمام الخلاء انت مش متخيلا للخلاف ده بينك وبينه مسلا آآ ميت متر مسلا في الادغال انت لو حد عايزة يقتل حد اصلا ما يعني انت مش متخيلا المنزد احبط راسي كده ابص لاخواني احباب بقى بتوع التبليغ والدعوة الاقيهم فجأة اللهم بارك سحبه وشده قبل ما يحط راسه - 00:16:09

يعني لي واحد صاحبي حبيبي ربنا يحفزه من الدعاء الى الله واخواني. يعني دايما نضحك مع بعض عليه كده نقول ده ما بيقدرش يقول دعاء النوم. ليه؟ لانه قبل ما بيخلصوا - 00:16:29

نام اصلا تبص لهم كده قل يا سلام يا رب. يا جمالك يا رب يا جمال اسم الله المؤمن في الامان اللي في قلوب دول وهم في بلد غير بلدhem. ومكان غير - 00:16:39

انهم وفي وسط المكان الوحش ده سبحان الله يا جماعة فيه واحد دخل الاسلام في اليابان. راجل ياباني عشان شاف واحد مسلم

نائم نايم في في الارض في يقول له انا انا بنام في افخم الفنادق وفي افخم الاماكن ومش عارف انام. انا نفسي انام انا باخد منومات
ومش عاملة حاجة ومش عارف - 00:16:49

وانت في الشارع وفي عز البرد وعارف تنام على الارض فهمني ازاي فالراجل يعني من الصالحين مسلم يعني فكلمه عن الاسلام
الراجل ده دخل الاسلام عشان يعرف ينام. عشان انت متخييل يعني سبحان الله العزيم الموقف المزهل - 00:17:09
اه او نقدر نقول رد الفعل المزهل من الرسول عليه الصلاة والسلام لما كان نايم. وفجأة صحي على واحد ماسك السيف وحشه على
رقبته ويبيقول له من مني يا محمد. من يعصمك مني يا محمد؟ فقال النبي صلى الله عليه وسلم الله - 00:17:28
الله! فسقط السيف من يد الرجل. السيف وقع من ايد الرجل آآ هو هو مش قادر يتخييل هو هو فيه انسان مطمئن بربنا كده ؟ هو فيه
انسان مأمن آآ آآ ربنا سبحانه تعالى بالمنظار ده - 00:17:48

قضية عزيمة او زي ما بقول لكم اسم الله المؤمن الدنيا كلها محتاجاه. الدول كلها دلوقتي عندها جنون الحفاز على الامن القومي.
العالم كله عنده جنون تأمين الحياة والتأمين على الممتلكات والتأمين على السيارات. الانفاق على المهدئات في العالم مليارات سنويا.
وعلى ابحاس هرمونات الخوف في جسده - 00:18:08

الانسان وازاي ان الهرمونات دي يقضوا عليها او ينميوها؟ عند الناس اللي عندها توتر وقلق. مليارات بتتنفق سنويا يا جماعة. عشان
حرب الخوف. عشان مواجهة الخوف اللي الناس عايشة فيه وربنا مدينا حل عزيز اوبي في اسم الله المؤمن. آآ اللي احنا عشنا
الحلقات اللي فاتت كلها - 00:18:28

مع آآ معاني العشرة لاسم الله المؤمن. خدنا معنى جميل اوبي اوبي اوبي. آآ ان ربنا هو واهب الاستقرار والامان لعموم البشر السنن كلها
سابتها. والقوانين سابتة. المعنى الثاني قلنا واهب الامان للصالحين. ان ربنا سبحانه تعالى بيحب الامان للصبح - 00:18:48
الصالحين ده بقى الامان الخاص بقى التجلي الخاص لاسم الله المؤمن. على قلوب الصالحين اللي بيلجأوا الى الله. قلنا من معاني
اسم الله المؤمن الامين ان كل شرع ربنا واقدار ربنا في مصلحتك. قلنا من معاني اسم الله المؤمن واهب الایمان ومؤيد الدعاء الى
الایمان بالآيات والبراهين على صدقهم - 00:19:08

ياما ربنا عمل كرامات وعطاءات لاهل الدعوة الى الله طالما شغالين على رفع منسوب الایمان للناس قلنا من معاني اسم الله المؤمن
الذى لا خوف من اعدائه ولا يخاف على اوليهاته. قلنا من معاني اسم الله آآ آآ المؤمن الثقة - 00:19:28
الحافظ سبحانه تعالى معاني كتير ومعاني جميلة اوبي اوبي اوبي. آآ رحلة جميلة. المرة الجاية يا جماعة ان شاء الله بازن الله هنحاول
نختتم الرحلة بتاعتنا مع اسم الله المؤمن ان احنا نتكلم عن آآ اسم الله المؤمن وصناعة الحياة. يعني آآ ايه بقى اللي بيتغير في
شخصيتي بسبب اسم الله المؤمن؟ يعني - 00:19:48

ايه بقى التوجيهات؟ ايه التوصيات؟ يعني اسم الله المؤمن لو بعث لنا رسالة لو فيه رسالة جاءت لنا آآ يعني من يعني من مقتضيات
اسمه والله المؤمن الرسالة دي هتبقى فيها ايه ؟ ربنا هيطلب مننا ان احنا نغير ايه في حياتنا؟ ايه المعاني؟ الجنة اللي هيحولها اسم
الله المؤمن آآ - 00:20:08

في حياتنا هيحول حياتنا لجنة ان شاء الله بازن الله المرة الجاية نقف مع معنى الختامي ده. اللي هو اسم الله المؤمن وصناعة الحياة.
الله يا مؤمن اللهم ارزقنا الامن والایمان. اللهم يا ربنا حق ايماننا. اللهم ارزقنا اليقين الصادق. اللهم اجعلنا من عباد - 00:20:28
المؤمنين. اللهم املأ قلوبنا بما ملأت به قلوب عبادك الصالحين. واعمر صدورنا بما عمرت به صدور الصديقين. اللهم اجعلنا من اهل
كانت في الدين والدنيا اللهم امنا مما نخاف. سبحانك اللهم وبحمدك اشهد ان لا اله الا انت استغفرك واتوب اليك - 00:20:48
انه رب العباد جبه هو خير زاد باسمه كافي تمسك اني رأيت الرزق لو تحس بالاختناق كل هم واسع رحماتي رب
العباد. حب وخير زاد باسمه الكافي - 00:21:08

انه رب العباد - 00:21:58